



民國佛教期刊女獻集成

任繼愈題



民國佛教期刊文獻集成

任紹愈題

第12卷



佛光

全國圖書館文獻縮微復制中心

華嚴大學院月刊

佛光

吳興王震題



本 刊 特 別 啟 事

南通張謇菴先生上海章太炎先生程雪樓先生王一亭先生
王心三先生江易園先生杭州張喧初省長張廳長王局長程
科長陶縣長南京蔣竹莊廳長山東梅榘芸廳長眞州陳重慶
先生溫州吳璧華先生安武軍統領楊少彭將軍甯波黃道尹
嘉興范古農先生鹽城吳東園先生湖北太虛法師陝西康寄
遙先生暨諸長老諸居士杭州嘉興蕭山海鹽陝西彭澤各處
佛教會佛學研究會佛學會以及佛學院居士林等各團體諸
公鈞鑑荷蒙

諸公惠頒題贈莫名欣幸拜領之餘深感

道誼特此拜謝敬頌

無量福德

方外後學 顯蔭謹肅

卷首特刊目次

印光法師范古巖吳東園沈占先題序	章太炎題字	張謇題字	程德全題字	前參議院議員吳鍾鎔題字	浙江省長張載揚題詞	江蘇教育廳長蔣維喬題詞	眞州陳重慶題字	山東高等檢察廳長梅光羲題字	湖北佛學院院長太虛題詞	杭縣知事陶鑄贈聯	眞如居士題字	佛學院贈聯	聖西居士題詞	甯波佛教孤兒院院長禪定題詞	杭州菸酒事務局局長王吉禮題詞	依幻居士題詞	浙江財政廳長張壽鏞題辭	浙江會稽道道尹黃慶瀾贊偈	陸軍中將楊瑞文及東園贈詞
-----------------	-------	------	-------	-------------	-----------	-------------	---------	---------------	-------------	----------	--------	-------	--------	---------------	----------------	--------	-------------	--------------	--------------

佛光月報 第一期

大覺顯微大圓南萍祝詩	史一如吳清覽祝詞	杭州佛學研究會祝詞	陝西佛教會康寄遙祝詞	嘉興佛學研究會祝詞	蕭山佛學研究會祝詞	海鹽佛學研究會祝詞	彭澤佛學會劉開難祝詞	世界佛教居士林祝詩	安徽佛教學校祝詞	高郵放生寺四宏學院祝詞	寧波佛教孤兒院祝詞	觀宗寺宏法研究社祝詞	浙江省立第四師範洪樵齡童藻孫祝詞	崇明師範王春林龔亨榮祝詞	如皋定慧寺紹三祝詞	安徽迎江寺圓覺菴等祝詞	紹興戒珠寺祝詞	楊樹棠滬江市隱知止居士等祝詞	海潮音楊壁雲悟幻祝詞
------------	----------	-----------	------------	-----------	-----------	-----------	------------	-----------	----------	-------------	-----------	------------	------------------	--------------	-----------	-------------	---------	----------------	------------

(以上事件先後爲次)

佛光月報第一期目錄

▲卷首特刊

題序 攝影 題字 題詞 祝詞

▲言論

佛光月報宣言

淨土法門要言

修正管理寺廟條例書後

佛法總抉擇談

大乘相宗十勝論

▲講義

華嚴大學院講義

▲名著

幽溪竊言

▲要載

宣講華嚴圓滿啟告十方文

二

華嚴大學院緣起及呈教育廳文 可端

▲文苑

蕭母翟太夫人五旬壽序

淨土會要十六品序

佛學大辭典序

杭州戒殺放生會記

印光法師文鈔弁言

真如居士書解深密經弁言

釋名

題旭光室

歸戒同緣錄序

滄山感賦和八指頭陀韻

題王震畫彌勒像讚

題成謙法師攝影

阿彌陀佛聖誕口占

詠懷兩首寄苔岑社趙心呆君

印正

諦閑

顯陰

章太炎

梁啟超

歐陽漸

王心三

湛翁

范古農

太虛

顯蔭

呈諦閑老法師及顯陰法師

呈顯陰法師

賦贈顯陰上人

寄懷顯陰上人用義山題僧壁韻

題顯陰法師林間宴坐攝影

和鶴巖禪友原韻

中秋玩月賦贈同學諸君

壽馬君伯閑

庚申中夏題柳竹山房

▲志林

杭州之祈禱大會

溫州九山寺彌陀佛誕之大慶祝會

參觀定海縣監獄講經記

寧波佛教孤兒院近訊

海潮音月刊之新猷

▲研究

鶴巖

覺蘇

東園

真如

依中

音德

悟廬

江謙

江謙

心呆

項詠

靈雲

一如

轉錄徐蔚如居士致陳正有君函

顯奇寄刊

禪定和尚復南通張季直督辦函

附錄原書

江易園居士上張嵩蒼夫子書

浙江省立第四師範洪樵齡君來函

上海楊陞雲君來函

▲雜集

薰修淨土日課儀規

止觀略說

旅杭日記

課餘雜綴

介紹新著

諦閑
可端



本刊卷首冠以諸名人題贈者君子之德風所以
使佛法之易於傳佈故也第一期中如印光諦閑
太虛諸法師哲作以及章梁諸公之作雖寥寥數
語皆具至理讀者審之

佛光月報序

佛光者。十法界凡聖生佛。卽心本具之智體也。此體靈明洞徹。湛寂常恒。不生不滅。無始無終。豎窮三際。而三際由之坐斷。橫徧十方。而十方以之消融。謂之爲空。則萬德圓彰。謂之爲有。則一塵不立。卽一切法。離一切相。在凡不滅。在聖不增。雖則五眼莫能覲。四辯莫能宣。而復法法承他力。處處得逢渠。但由衆生從未悟故。不但不得受用。反承此不思議力。起惑造業。由業感苦。致令生死輪迴。了無已時。以常住之真心。受生滅之幻報。譬如醉見屋轉。屋實不轉。迷謂方移。方實不移。全屬妄業所現。了無實法可得。以故我世尊。不成佛道。徹證佛光時。嘆曰。奇哉奇哉。一切衆生。皆具如來智慧德相。但以妄想執著。不能證得。若離妄想。則一切智。自然智。無礙智。則得現前。楞嚴云。妙性圓明。離諸名相。本來無有世界衆生。因妄有生。因生有滅。生滅名妄。滅妄名真。是稱如來無上菩提。及大涅槃。二轉依號。盤山云。心月孤圓。光吞萬象。光非照境。境亦不存。心境俱亡。復是何物。潯山云。靈光獨耀。迴脫根塵。體露眞常。不拘文字。心性無染。本自圓成。但離妄念。卽如如佛。是知佛祖種種言教。無非指示衆生本具心性。令其返迷歸悟。復本還元而已。然衆生機有淺深。迷有厚薄。不假種種言教開導。種種法門對治。則迷雲障于性空。何由令其一一徹見心月哉。以故如來最初成道。演大華嚴。直談界外大法。不與權小所共。俾宿根成熟。一類大機。同證眞常。

誕登覺岸。復以鈍根衆生。未能得益。遂爲循循善誘。隨機演說。或以五戒十善。攝彼人天二乘。令其種入佛道之勝因。或以四諦十二因緣六度萬行。攝彼聲聞緣覺菩薩三乘。令其得證佛道之近緣。始自阿含。以迄般若。莫不曲順根性而爲宣說。令其漸次增進。就路還家。佛之本懷。秘而未宣。迨至法華會上。開權顯實。開迹顯本。人天權小。皆是一乘。客作賤人。實長者子。普授三根之記。大暢出世本懷。與最初華嚴。始終互映。可謂一大事因緣。全體咐囑。了無餘蘊矣。又以末世衆生。根機陋劣。斷惑證真。實乏其人。以故特開淨土一門。俾上中下根。若聖若凡。同于現生。出此娑婆。生彼極樂。以漸證夫無量光壽。其深慈大悲。實屬至極無加矣。及至大教東來。宏法大士。各專一門。或禪。或講。或律。或密。如城四門。就近而入。如藥萬品。對證方服。如諸部之各司其職。贊襄邦治。如六根之互相爲用。輔弼一身。雖則各宗一法。實則法法咸通。法法悉備。不過從入手處論。有如是名目耳。至于淨土一法。則如阿伽陀藥。萬病總治。如摩尼寶珠。隨意雨寶。若能都攝六根。淨念相繼。則得三摩地。親證圓通。一切功德。河沙妙義。不假外求。悉現自心。良由以果地覺。爲因地心。及至其極。則因該果海。果徹因源。法門之妙。窮劫難宣。有能遇者。何勝慶幸。維揚長生寺可端和尚。宿植德本。久參禪講。于民國八年。由性蓮退居。委令住持。因念華嚴一經。乃如來根本法輪。一切衆生。同得發起一乘善根。時經三年。講圓一部。而護法居士。感其至誠。又祈續

講以培人才。因開華嚴大學院。學生額定四十八名。又思此段不思議光明。徧照法界。固屬如來神通道力。福慧莊嚴。然此光明。人人本具。箇箇不無。而衣裏之珠。模中之像。達本者雖有。著迹者甚多。忍令同具此光者。皆長處暗室。不得受用。反承此普照法界。不思議眞常圓滿之光。而爲生死結業之本乎。于是擬于每月出報一冊。名曰佛光者。以一念心性。佛如衆生。如一如無。二如故。凡如來施化之因緣。心性眞常之實際。五戒十善之因果。戒殺放生之感應。世間善行。出世淨業。生死輪迴之苦。因果報應之微。與夫高人哲士之嘉言懿行。著述講章。隨緣記載。以資觀感。雖則眞俗並詮。淺深俱備。而粗言及細語。皆歸第一義。固當仁者見之謂之仁。智者見之謂之智。以爲入佛封疆之前導。常發心光之勝緣。倘閱者能知自心原是佛心。則知佛光卽是心光。而此心光寂照圓融。寂而常照。故爲無量光。照而常寂。故爲無量壽。無量光壽之理體。固一切人之所同具。無量光壽之實證。須待往生西方。面見彌陀。蒙佛授記。圓滿菩提以後。方能微得。此華嚴歸宗。以十大願王。導歸極樂之深旨也。凡我同倫。幸各諦信。

民國十一年壬戌臘月八日常慚愧僧釋印光謹撰

佛光月報序

我佛如來。應化世間。生閻浮提。示成正覺。廣度衆生。雖其圓音演唱。攝化之機。徧及世出世間。盡於天龍八部。人非人等。然於人道較爲密切。善乎裴休之序圓覺曰。鬼神沈憂愁之苦。鳥獸懷猛狻之悲。修羅方順。諸天正樂。足以整心慮。趣菩提者。惟人道爲能之。是豈佛有私於我人哉。良以我人之於佛教。最爲逗機者耳。慨自正像運終。末法方起。玄文罕覩。邪說滋張。感於見聞。羣生疑謗。以致世風之墮。人心之壞。不堪設想。憂世之士。鑒於人心之不可不救也。遂思起沉疴者。必資良藥。燭幽塗者。必藉明燈。唯我佛世尊。爲大醫王。法藥具足。爲光明藏。慧燈常炬。今欲療百病。照羣昏者。非昌明佛法。誰與成功。於是宏開講肆。請大德以敷揚。剏刻經書。資道場而流布。猶患其推行之不廣。啟迪之難通也。乃本教體之音聞。顯般若於文字。典籍之制。兼爲報章。月旬週刊。不一而足。茲者可端法師。設華嚴大學院於邦上。以教來學。又爲山川之阻。人事之繁。不能親入寶山者。彌其缺憾。乃與顯蔭法師。剏行佛光月報。集有關佛教之文。月刊一次。所以冀無遠之弗屆。而無人不可取而讀。讀而解也。斯報之出。有以祛衆生之惑。開令識佛法之康衢。慧日光輝。普照法界。而我佛爲人道說法之旨趣。亦如日月之中天矣。得不歡喜讚歎而爲之序。

佛曆二千九百五十年癸亥正月長水後學幻修范古農槃譚

佛光月報序

甬水之洲。有阿練若也。遠窺鷺嶺。高瞰鵲山。五衢之草葩黃。食而不怒。四照之花英黑。佩卽不迷。彌勒虔修。文殊戾止。法流挹注。方石飛來。川靜波澄。徑幽塵絕。冷冷天籟。出自禪林。粲粲雲章。散爲慧果。惟我雲弟禪友。仰悟三身。俯參一指。詩書共契。衣鉢相承。講神聖之心經。感公鄉之頂禮。分三七品。有樽俎之嚴。會八一科。具金湯之固。扇慈風於甬上。灑化雨於寰中。於是廣徵同志。妙闡真乘。振天鼓之音。觀佛光之報。作開宗之鐘磬。爲牖世之壺篋。懼象教淩夷。借鴻文挽救。不遺在遠。索序於皇甫士安。所見較明。問經於夏侯子建。慈雲布地。出陰岫而無心。慧日麗天。比陽春之有脚。月刊一卷。風動四方。彼岸航通。化城旅進。拈花微笑。願金粟而歸依。題葉壠詞。對瓊林而頌禱。

迢迢法海。定慧與戒。歷億萬劫。周三千界。大地文章。厥惟佛光。金姿寶相。如見象王。拂衣道樹。根深蒂固。智刃所游。日新月故。多士給園。衆妙闢門。斯文萬歲。萬歲斯文。時維

中華民國十二年歲次癸亥春王之月 古歛東園氏吳承煊拜撰

佛光月報序

佛生於西方。而其學則傳之中土。蓋印度自佛滅度後。卽無大乘。而我國則三藏微言五乘奧義。靡不畢備。此雖我佛光明。足以普照遠方。而亦國人之篤信研求。始得以傳其絕學也。夫佛教之入中國。始於漢。隆於六朝。而極盛於李唐。唐以後雖有善知識者。或講道以闡宗風。或頓悟而成道果。然陋儒狃於結習而排斥之。俗人惑於禍福而執著之。致圓妙超脫之佛學。不能大放光明於震旦。亦可憾已。雖然。如是云者。亦僅肉眼之觀察耳。實則佛之光明。固無往而不在。無時而不照者也。譬諸日月麗天。偶爲雲霧所蔽。人不能見。而卽謂日月之無光也。有是理耶。悟廬吾徒也。而歸依釋氏。法名顯陰。在甬參學有年。迺者揚州長生寺可端長老。開辦華嚴大學院。並擬發行月刊。以資普及。商諸顯陰。顯陰鑒於昌明佛法匡救世道爲當務之急。通發宏願。主任其事。月編一冊。而名之曰佛光。蓋欲揭明教旨。使大千衆生。咸曉然於佛之真相。而篤信研求。猶之雲消霧散。而日月益顯其光華也。余既佩可公與顯陰之志大願宏。而尤卜佛學之必能昌明於斯世。爰爲之序。

中華民國十二年一月

崇明沈占先序於堡校



華嚴大學院長
可端和尚攝影